

集部

欽定四庫全書 縣部

詳校官庶吉士臣朱 理 主事臣吕雲棟覆勘 校對官中書臣禁 總校官無古士 臣倉聖於

曆録舉人臣張

獲

劆

欽定四庫全書 次足四重全售 凌視汝有知尚無畏果尊熙歲丁未月終辜壬寅識 女主奏已因以名叔其字文晦翁母劉氏生四年 女巴誌銘 言孝友佛從母葬亦其志父汝銘 晦庵集 人 在然逝哀汝生婉而慧 朱子 撰

未克赴吊至是乃與疾而往哭之入其門望其几筵像 其學也然每一相見則心愈益敬爱之及聞其死以病 淳熙十有四年春二月庚午鶴山江君清柳卒冬十有 **設見其子甚幼纍然服丧撫其區于西廂不自知其動** 遊然家居相距百餘里不得旦暮相與切磋琢磨以究 致今臨江通守賈侯應之狀來請銘予幸強得從清卿 月庚申葬于其里少東夏嶺之原前期其弟嗣以書 **江君清卿墓誌銘** 卷九十三

虞氏而生清卿馬清卿生而有異禀書過目報成誦作 楊公見其書而稱之尤以文學行義知名當世娶同縣 琦左宣教郎永州州學教授軍思春秋之學龜山先生 諱立左朝奉郎以吏治循良受知于司馬文正公父諱 行教鄉黨仕止將作監主簿而贈官至大中大夫大父 文操筆立成皆有思致見者驚嘆以為江氏有子矣以 明清卿其字也世家建陽縣北樂里曾大父諱測以學一 也歸乃發質侯之狀又附以予所知者而具論之君諱 每 100 章

ī

亦未當的然有所何怕鄉人無不悦而親之然其怙贖 規矩而不務過為崖異斬絕之行其接物重然以和然 童子見張魏公即開口論天下事假然如成人公亦奇 虚遠之懷安靖篤實之操該于中而形于外者人亦望 問學探討不倦而不肯輕為論説持守踐行造次必以 之年十七遭外慶執丧如禮既冠益從諸長老遊讀書 世遺業春其兄未及而卒清卿卒成其志自處雖約不 而敬之不敢有以加也始教授公無意時嘗欲盡以先

| 銀定匹庫全書

卷九十三

春秋高遂抱藏疾清聊左右奉養無違既沒葬祭如法 義之重一言而解益其志行之所以信于人者 非一日 父问産有適人而老且貧者迎養問給以立其家始終 以為慮母夫人有賢行自寡居即布衣疏食以終身及 獨于修身進德益孳孳馬不以歲年之晚疾病之侵而 也當以進士試禮部不合而歸遂無復有進取之念而 之有以昆弟訟其先人之遺澤而累歲不决者喻以思 不懈鄉人有死于遠官者為之斜合親故還其丧而室

欽定匹庫全書 懷祖其遺文十餘卷藏丁家嗚呼君家比三世以儒學 少有自安之意也始亦皆有意為浮圖學至是乃喟然 起家從官而皆不大顯至君而學益明行益修人日是 與咨嗟悼歎者無異詞也妻吳氏先卒二女適翁益李 宗老才七歲鄉人無問親疏賢否哭之皆出涕退而相 地於是人莫不以是疑于造物之理而為君情之予獨 处且為世用而有以大其門矣而又不位不年以沒于 曰徒亂人耳卒時年六十有二箧無完衣以飲而一子 卷九十三

是收 樂者人以為戚而其所爱者我以為休銘馬不慚子孫 有以知君之志其所以為欣戚者有不在是也然則文 公諱洧字清臣姓黄氏建寧府人其先世相傳自光州 不同乎今人者君之樂不及乎古人者君之憂益其所 卿之託銘于予也豈不有以也哉銘曰 轉運判官黃公墓码銘

飲定四事全書

N

蒙庵集

固始入閩居建陽之水東後徙風寧之演平曽祖執矩

祖伯堅贈承議郎父鋭朝請即提點江淮荆浙福建廣 参軍問事既得其情即復告以法所當得之罪且問若 盗充斥王帥討捕相繼公以射士為大軍前行數與賊 南坑冶公事公以遗底補官調筠州高安尉時江西群 此寧有兔子心反復無異詞己乃具獄上府以是凡公 其餘公不可悉以送官人服其廉秩滿授與化軍司理 詞有白金若干藏基處檄公取之得金数倍從者請私 遇已事例受簿賞不復以功自言論者多之郡獄治盗

愀然曰事惟其是而己况司獄人命所係吾固不敢以 **微一也即有移鞫幸勿為異吾亦不敢自異于公也公** 徇公公亦安得以徇我乎自今理院所移有不當者幸 乃因行部慮問釋之公白太守復致之獄而竟按其罪 公改之勿以為嫌也部使者私欲出一重囚公持不可 所鞫雖重碎皆合瓜扣顏自以不冤軍院官謂公曰兩

飲定四軍全書

Ţ

晦庵集

後行公亦益為畫力境内稱治監紹與府錢清鹽場改

太守汪公侍舉以是賢公侍遇有加一郡之事必咨而

晚譬之或失所爭而去民爭先為里正曰官無賦飯里 宣教即知福州候官縣治以寬簡先教後刑訟者反復一 無盗賊吏不敢端號村落間此時不可失也母夫人江 律貪欲畱官中都公辭母老求通判福州以歸未上而 重馬秩滿造朝給事中黄公祖舜薦公材堪治劇清可 郡守辛公次膺鄧公柱范公如圭皆當世賢大夫咸委 氏故家福州族黨衆盛歲時往來親親之意甚厚而無 一人敢以私事為請者簽書平海軍節度判官聽公事

皆取于民以辨公請以郡大小為差詔悉蠲之郡人 故與建饒賴州代翰坑治司歲貢白金各若干兩故事 ここうこ 馬改廣南東路提舉市船即守市賈胡香不價直公舉 周之者領非其義不取陳正獻公時在從班應記舉公 太夫人物故執丧哀致治葬勤刺家益窮空當路有欲 不足公至一切罷之人以便安而郡亦未當乏事也州 外重贖以取資且推酒貼增稅柵民告病矣而官用猶 可奉使典州丧畢除知南雄州郡小用度不饒舊常法 梅奄集 Š 頼

書一路罷官估除市籍百赏得職物價為平復上奏請 吏始共知有法守矣市人因于官估丐奪之擾公為移 法度以病民者随罪大小以次絕治於是一路肅然官 吏屬劾之一夕而獄具奏上閱實抵罪以去其餘不循 為姦無按舉者公素聞之至是海屬之不能改乃捕其 均其法於諸路部施行之丁籍久失開收口賦之連均 法移州帥愧且懼亟召歸之更為轉運判官廣學租禮 名士益勸諸生以學番禺令近在師守諸司治所肆意

孟安匹庫全書

卷九十三

嘉往時當有此役吏並緣以擾民而米不時達公處之 弊人無怨言江浙歲餘有首祭二廣義倉米航海請水 蠲凡十有五萬口流冗浸復瀕海蛋户數萬生理至微 有方且并西道所發轉致之不越月而至永嘉者八萬 憚訪問疾苦伸理冤抑不可勝計草外銓匿闕徇私之 解永嘉之人焚香迎拜步下曰此廣東運使活我也史 亦有役于州縣公悉免之按行所部雖炮瘴荒遠無所 及鄰伍流亡日衆公選吏分行聚其實而除之一路所 海龟焦

聽命不暇公曰領外貧薄安得視它路財予解錢干数 正志為發運使專以括取諸道羨錢為己功諸道承風 知所當請因悉以遠地為準而取其費如潭州歲輸三 南路首論諸州以祖米饋荆鄂襄陽諸軍地里之遠近 正志怒欲陷公以罪有以公為人告者乃已改使荆湖 宜部總領所前期下諸州使知所當請而隨其遠近以 十萬斛則稅外當嚴輸錢十萬稱民力安得不重困謂 不同則運載之費出于民者宜有多寡今諸州不能前

| 一 銀 元 匹 库 全 書

老九十三

嗟若黄公懷瑾握瑜半生下僚坦其舒舒晚使于南志 事而系以詩使刻真公墓上以示公之子孫與凡鄉 趺咨爾後人毋迷厥初過者考德亦式其車 則少據乃其清剛之死弗渝威髻權豪澤流解孤而其 所謂俯仰無愧作者又按公官第七品當立碣乃叙其 水綿柩靡所廬故山北東有坎其墟我最其蹟圭首方 從官者使知有所畏慕而興起云其詩曰 朝散黄公墓誌銘 每年

容口其禁令要東大抵皆敦禮義厚風俗戢吏姦恤民 為法間當以繳書案事涉其境道傍小民稱說令尹不 然無人聲問公所以為此者公不鄙告語甚悉恨所案 隱之意其言明白簡切其達之也遂近幽隱無不暨馬 訟率請該公以决其條教科指操驗稽决人皆傳誦以 廉强介察見微隱吏不能欺而民不忍欺它縣民有冤 始予試更泉之同安聞旁邑永春有賢令尹曰黄公公 過門入謁則公方危坐堂上閱學宫弟子程課廷中閒

| 郵定匹庫全書

老九十二

事有程不得久審聽公語也泉之士大夫為予言永春 其母之外弟今提舉廣東市船江君文权之狀泣而請 公得以行其志矣未幾聞其以病去竟不復起識者恨 予既罷歸聞近臣有薦公者天子握以為監察御史謂 之後十餘年屏居里中有書生來請受學思苦業精久 繼者今黄君節守始無愧江公而吏事精密有過之者 自故司課江公民表為令有善政民稱思之以為無能 而益篤問其出則公之季子也一日出其兄東之書與

郵好匹庫全書 後乃徒家郡城之東為閩縣人六世矣會祖徽祖時皆 薦之公謝不受歲旱郡檄視屬縣民田當免租者公請 得辭也公諱瑪字德藻其先世居福州長樂縣青山下 其估公不可則怒欲中以法而求其罪無所得乃更欲 戸參軍提點鑄錢官欲市治工餘糧以規贏利强公髙 氏亦封太安人公中紹與八年進士第初任為饒州司 不仕父南仲七試禮部不偶以公故贈朝奉郎而妣陳 曰先君子幸相與有一日之舊敢請銘以貢其幽子不 老九十三 **欧定四車全書** 疑却公所上文書件更之公曰官可罷此不可易且各 是改官而人亦以賢向公馬及來永春承冤亂蠱弊之 **贖上公可親民者且以心源湖静夷險一操目之公於** 歩以歸更調湖北轉運司主管帳司使者向公伯奮一 獨無流徒乃復善公所為而薦之能官貧甚與一力徒 免之什九而行它縣者以什一告太守洪忠宣公以為 日謂公曰人皆求薦君獨未嘗一言何也即袖中出奏 已聞之諸使者矣既而洪公使視諸縣則公所行縣民 - 庵集

税籍不除者悉釐正之其文書或不具則復畝而均其 餘田來多荒民力渦降公至首蠲其宿員民有鬻業而 當計備受直亦不取至于無遊饋送之費又皆一切屏 税於是豪民無得幸免而貧弱以蘇民輸賦或後期不 絕而鉤考出內則必以身親之吏無所容其姦於是廪 儉自約餘凡例所當得公解錢悉輸之官到罷挈家法 使吏與其間獨揭其姓名于市為之期日而聞者相先 以至間不一歲流庸畫復賦入再倍其初公又痛以康

是乃有投牒争先為之者當有寡婦負租而逃公寬其 寓便舟以往為屋餘十間而邑人不之知也里正舊以 載民不勝擾公獨出庫錢僦工徒取行木具陶瓦而分 者如浮鹽錢之屬皆罷之不可者如上供銀亦為損其 有餘栗庫有餘錢乃視民所病凡前日無名之賦可能 軍自漳徒屯郡下當治營屋郡分以屬縣它縣征調輸 誅求破産前後相屬當後者畏避百方惟恐不得脱至 虚估之直宗子米則以它錢代輸一歲至數百萬左翼 - 梅龙县

萬十以輸負租者公関然日奈何使汝失一歲之計今 春姑以丐汝秋成而輸未晚也其人欣然聽命及期畢 他所聽斷發摘隱伏人以為神而卒亦歸于仁恕也大 盡如此獨豪宗大姓侵刻細民則捕劾窮治之無少貸 期以召之來則使之傭織于人以漸償所負又當有請 治學館闢其衝路斥去喧雜作亭其前而刻詞以属學 如約益其及民之大者既已周浹而于其細者又皆曲 者語意甚偉延擇修士課試以時士子上謁者接之於

為說席聽事之旁課以論孟通者罷歸否者呼其父兄 懲以二物由是俗為一變始至敖謁羣祀以文告曰令 學講學之外一毫之私不敢及也有儒冠而以博訟者 應愚民奉佛往往私立塔廟僧以是得雜處市里間亂 植以名木至今人稍指以思公名之曰御史林瓊旱出 有昏墨神其殛之視社稷祠壇隳散甚即命改為而又 俸錢具牲酒躬走羣望窮極幽險不以勞為憚雨為立 倫敗俗為良民患公按律令盡撤之且禁僧無得復居 **寧奄集** 1

盡得其多家輕重不均之弊還極言其非便且曰公田 歲入若干而畜牧药藥取具馬今一旦鬻之計其獲不 土偶而投之溪流女病即愈始時縣人頗神事之巫史 也死而後于城隍之神實為崇公怒曰是安敢然杖其 外宿弊損草丞有女病若有物憑之者巫曰故避卒其 運司幹辨公事有獻常公田之策者檄公視之歷諸郡 因託以為妖至是乃息云以郡守諸司薦去為兩浙轉 過數歲之入自是以往能無厚斂于民乎貴將楊存中

| 欽定匹庫全書

惡民機公白常平使者請發廪以賬馬使者以當俟奏 職于一幸臣也不可予卒皆能之權秀州華亭縣事歲 還曰管卒若干人度地若干畝而足今所請地且數倍 請地以廣其管實規為觀游以奉權幸公又以檄往視 若從其請是壞民田廬家墓不知其幾而獨為存中結 以罪也吏部侍郎汪公應辰侍御史汪公澈交章薦公 報難之公曰民命在朝夕尚可以生之雖重得罪不悔 一即發常平原栗之在縣者全活萬計而使者亦不能有 歩きま

金定匹庫全書 官自左廸功郎七選至朝散郎即其年十一月庚申葬 運副使視事旬日改知漳州旋丁內艱免丧請就閒養 材中御史除御史臺檢法官未幾握監察御史而公己 封安人五男子果亦以進士選官至宣教郎江南西路 懷安縣靈山鄉長箕山公娶葉氏中奉大夫大任之女 病矣告滿請外除江南東路提點刑獄公事未行徙轉 提點刑獄司檢法官後公十二年卒東從政郎南劍州 疾得主管台州崇道觀乾道四年八月二日卒年六十 卷九十三

義雖寒且機不可得而衣食也閩俗多火葬公遭父丧 泉州同安縣余元一而榦即來學請銘者也公資剛介 自少即刻苦自厲家貧嚣趣于市而挾書隨之尚非其 江淮湖廣路總領司翰辨公事任文茂次適奉議郎知 沙縣丞查翰皆業進士栒亦蚤卒二女子長適承議郎 群數也自奉簡薄而于奉親極其厚至於兄弟族妇之 葬以禮事母說乾惟恐少傷其意即有謹責未嘗敢自 親黨憐其貧喻使從俗公哀號不答畫鑑家人衣具卒

次子可事心時

- 勝庵集

問周貧振之亦無所愛其力官番陽時有邑子為斜樣 然衣無兼副俯仰軟息者久之卒之日家無餘則凡此 守趙公子浦亦以康節者被肯視公家事見其篋價 以職事不相中尋以憂去公極力調護之其人初不敢 仁爱所以惠于民者亦非人所能及也平生一以直道 追時好為吏一心營職其清苦之操非人所堪而聰明 自任未當小降色解以布為龍為御史時當病甚臨安 以此望公涕泣漸謝為舉子時書皆手寫成誦為文不

自り日

老九十三

皆人之所甚難而公之所甚易人固多能言之顏其中 次三日日上十二 去王繼先美公矍然起坐日君能任職吾不病美探枕 **妫求去公就與别喟然太息曰君學自愛吾亦從此逝** 惡盈溢公意益有待也居無何杜以論官者張去為不 時與殿中侍御史社公革老雅相好每以即義相勸勉 猶有大于此者不幸未試而人亦莫之知也益公在臺 中片紙示之乃疏維先罪狀甚悉繼光者以醫得幸罪 日社以公疾來問訊連呼不應乃大呼曰否今日擊 晦庵集

矣即日上疏請去以此視公之志豈但欲為其所已為 金与中人 者而止哉是宜伐石刻解以告後世之君子乃為之序 未及折乎百王之鋒遽抱其餘以息乎此尚有以啟厥 而惠利者仁之功其仁雖僅得施于十室之聚其義則 我觀黃公古人之風其剛方而深廉者義之操其慈爱 其事而銘之銘曰 承事即致仕潘公墓誌銘

一歲以童子貢京師通念十三書説六經大義作三體字 學起家仕至左朝奉大夫父某以右朝散郎致仕累贈 大中大夫君諱景憲字叔度幼顏悟日誦數萬言年九 家店之曾大父諱基贈右朝議大夫大父諱基始以儒 維潘氏世居括營之竹溪已號者姓後徙金華益為聞 年進士第調判門軍學教授不行請為南微祠官扶滿 官如汪公應辰第公燈王公十朋皆推重馬權隆與元 部許持試禮部且賜東帛後入太學益自刻属一時學

一節服除遂不復任日遊吕氏之門躬執弟子之禮誦詩 墓者三年段齊骨立未當見齒寢與食飲皆以古禮為 慨然感悟遂棄所學而學馬既而遭大中公之丧廬于 日祖謙伯恭父同年而齒長聞其論說行身探道之意 客于其側它非所望宰相歎息以為不可及君與東萊 教授遠次以歸宰相問其故君曰本無官情以汲汲于 宰相知君之賢欲遇以為中都官君獨力請太平州學 一官政欲以慰親望耳今二親俱老得遠次尚可日從

欽定四庫全書

學于吕氏晚再悼心因葬金華之葉山而虚其中以自 尚之而君自視欲然常若不足也始當學浮屠說既而 ·疏食一室脩然其枯槁淡薄有人所不可堪者而君處 愛諸弟怡偷肅移人無問言家本富樂躬率儉素布衣 嘗去手為人峭直耿介與世俗少所合而事親從兄友 為盡心馬至它書史考訂蒐輯日有程課鉛黃朱墨未 讀書旁貫史氏下至于兹靡不該覧而尤於程氏之易 之甚安以是中外化服不敢為纖芥浮靡事族常皆慕 多を上

欽定匹库全書 遊馬復取舊書讀之悠然自得不知儒釋之有間也買 處築室其旁取朝聞夕死之意命之日可養服日往而 尚書元吉張左司拭曾柳逢鄭卿伯熊皆愛敬之而不 各為一社期歲廣之及九而止予當為記其事然亦未 數百斛歲時飲散自葉山以至大中公故居大墓之下 田儲書以待四方之學者又當取建學社倉法出私穀 敢有推挽意獨會侍郎建當引以自代項年諸大夫薦 及盡如其志也君既無當世之願士友知其心者如韓 卷九十三

問人或扣之乃獨喟然以會鄭兩卿為知己人莫測其 之曰此足以代我矣即自列于有司請致其事遂請得 意心紹熙庚戌君之子自覺以進士試禮部中選君聞 而丞相不能用益諸公或未始識君而若亦漠然無所 天下士之賢者三十餘人於周丞相君姓名亦在數中 興間為中書舎人子男二人長即自覺其次自晦女三 改京秩命甫下而君已卒矣是歲六月已亥也君先娶 たこうき こう 邢氏故龍泉主簿邦直之女繼室朱氏其父翌新仲紹 脚座集

金月四月五十 年五十七病不伏枕比終猶紋襟端坐而沒語未當及 禮盖自覺常調蕭山主簿而影今為臨海主簿君卒時 人長適朱塾次適蘇彰次適邢文郁孫男二日問學問 里金華親故往往來相勞問獨君以書來曰甚願一見 屬予銘予始因伯恭父以識君志同氣合遂結婚姻之 其私也自覺將以十月丁酉葬君葉山之藏而以書來 以慰離索然子今日之行名為召客吾是以不果來也 好往年以江西使事入奏舟過關溪蘭溪距金華不百

憾 大きする ノルラ 身訪道忘食與憂以遂于老昔本不出今復何歸異世 介剛之節為世玉雪退省其私敬順怡悦却掃耽書貶 比以口語罷歸君又以詩來若曰子今幾過七里灘矣 同心子平孝威葉山之陽上盈下坎我銘不亡君則奚 /銘銘日 以已十其未耶子不能答而當以是愧其為人乃為 右司張公墓誌銘 晌庞集

金只四周全書 當以清白大吾家耳未冠而孤羅恭人躬服儉素而悉 長者好施予聞於鄉曾祖某祖某父某皆不仕而父以 敗事盗起屬邑附從萬眾抄掠三郡之境公護巡尉兵 于學朝議公知其有立常撫而海之曰貴仕不足言要 公故贈朝議大夫母羅氏亦贈恭人公弱不喜弄自力 行徒汀州軍事推官事有不可未當不力争郡以故鮮 力以奉公學中紹與八年進士第調質州司理參軍不 公姓張氏諱維字振綱一字仲欽南劔州劔浦人世以

左宣教即知福州閩縣首定差役條約貨倍者半其停 者已而制下更定役法道與公所議合今遂定者令云 官募丁匠舟楫于民無度而不均公與民約一歲丁匠 之役不過三日舟别若干為甲甲直旬日滿則縱之唯 年民以為便然以公政不苛多欲及公時為之無争承 所適縣賦故多取具于僧坊公為區畫使其徒自相督 會大軍討平之身獲巢窟撫其餘聚而歸第功當為第 一而賞不及公不以為意也扶滿更為漳州龍溪丞改

欠正可うべいう

够飚某

ニナニ

於無所得乃已以便親自請得主管崇道觀以歸會陳 萬義不自取會沿涿敗官舎匠役或過前約悉取以僦 閱之以田子僧而去御史怒思有以中傷之求其過纖 張太清見御史家以訟奪僧田公當受代矣趣吏具案 之曰毋使吾失信于民也民服其公而爱其廉號之曰 州縣公一謝卻曰豈可以口腹易吾操耶積餐錢數十 僧得無吏卒之擾而輸益辨令亦為例僧嚴以務予餉 正獻公知建康府辟公通判府事事無大小悉委又遣

南西路提點刑獄公事自敵再通好公母謂符離之後 於起居食息不啻坐新嘗膽之誠修明政事使人心曉 掛守當堂吏战而民安之朝廷亦知其治行權以為廣 失于輕舉而人心終不以為非四郡之乘急于休息而 所以戒舜者為言以謂今日正當汲汲以自治不可狃 人心終不以為是先嘗告執事者宜將順正救使上意 知朝廷未忘中原及對逐以立志開上心且引益之 小康便謂太平語甚切上曰朕何敢望舜公對曰有

欠引到 八江

脚庵东

ニャニ

金好四月五書 為者亦若是領陛下加之意而已上嘉納之且俾察部 船欲渡吏卒扣頭更諫公不顧半濟風作舟師震駭公 老從容與語授以教條使轉相告戒禁吏安賦奏減經 經略安撫司公事公為政平易近民拊循問治間召長 日施行且著為令未滿歲就除直秘問知静江府主管 官吏有望風鮮印綬去者選臺條上件臧否若干人即 又不為動所至邊氓歎數以為百年未始見使者旌節 内守令藏否以聞公到部按行周編都縣南簿瘴海陳 寒九十三

之出以繼原食學者用勸禱祠不於釋老房祀始至按 總之額滯訟或數歲不决者取故贖置便坐暇日公閱 殺之公為區別誅其渠率數人餘悉遣去郡學庫下諸 視予奪成得其情民以便安而治軍甚嚴有暴横若込 陰沮止之不得至箝以禍福公又不聽乃卒就功而益 生議徒它處成以故始安郡治為宜而久為浮屠之室 匿者立命誅斬匕所貸使者得盜百數檻致之府欲盡 矣至是遗火燔焼略盡公取其地以為學論者惑異教

とこうる こう

肺院集

二十四

故典新社稷風雨雷師增遺月遣官屬潔除為圖以著 其兆域陳設登降之位甚份水旱椒齊宿致禱無不立 屬國不奉條約正當以義詰之顧反以利而動被且有 應南丹徭莫氏以縣結永樂王氏籍兵以逐其兄而自 以窺我矣於是遣一小校持檄喻之二起頂顏受命即日 立既立而背其約王氏以兵攻之莫氏困極請輸並塞 連兵正坐貪此兩又將以陷我耶別國家為夷夏宗主 田及銀冶税場以乞師寮屬皆以為受之便公日莫王

金好四周至書

者欲調兵逐捕公曰以官兵入等歷險與猿孫角勝負 以報國恩又遣子弟數名馬為公壽公受而歸之郡底 釋兵去莫氏前此數為邊患至是帖服自請導羅殿馬 欠日可見 人品 且厚遣之或告昭州改盗甘文誠者謀叛去郡給而縛 命公遣文誠示之則皆大喜亟遣子入謝罪江湖游民 年殺王宣今年又發甘文誠是非從者招者耶谁敢聽 非計也遣神校戍山口且文告之徭日前年殺凌鐵往 之欲致之死公察其非辜撫而遣之未發象郡徭反使 脚電具 <u>-</u> - <u>አ</u>

華為之陰銷盜本且賴其用悉上逐荆州兵帥司舊以 憂至追荆州軍屯守之公奏創効用軍五百人悉募 傳 並海趨漁鹽所過或掠為盜急之則黨益合朝廷以為 移軍建康使者謀作屯營不如指士卒暴露乃召公為 除代而難其人乃進直徽猷閣雷鎮五平上方謀北略 四千萬季年乃以累萬萬計其後數年再平劇賊皆以 **効用取勝而軍無乏與皆公力也朝廷知公可用屢擬** 回易備邊法久浸弊公至始為經理均節初年錢不過

金贝巴州台書

卷几十三

一管屯事公更管髙燥以建活潦屋凡二萬三千間先為 江南東路計度轉運副使趣入面對獎公治績且屬以 持記話責公以狀對上大喜曰朕固料張某必辨此遣 軍中先以辨聞屬吏欲劾之公曰一樣未集是亦欺君吾 前使者的於就事餘植脆挽衣以織葦費二萬萬公易 以毛深廣堅紋於前而費半之府司分作它管以情屬 不能也會軍即亦與公議不相中密白公稽緩遣近璫 問于治舎用是計徒庸應村用令役賦功僕指而定

久三日日本公司

晦庵集

則天下將有以空言疑明部者矣且江上雜貴于吳中 獨歸其怨于有司今既知之乃曰姑以為鉴而不能償 失毋傷民公即條奏曰前事之失民以陛下為不知故 **積先是嘗羅三十萬或以予直太高而損其半公力爭** 再獎諭就加秘閣修撰以罷其勞江東歲和羅以備儲 而其直反下陛下一視同仁何愛十數萬稱而獨使江 不能止至是復以命公而諮問所以經畫狀且曰監前 上之民觖望乎諸司餉遺一不受有不可却者別備之

アピロ 事合い 積至三百餘萬會和雜有未償之直而失于上聞者即 以丐之。尋召入奏事因訪軍務得失時頻年調諸郡兵 之以備緩急之用上深然之雷為尚書左司郎中遇事 之議得專意以圖北方又言兵無奇不足以取勝今兵 團教帥府公言南方兵宜安静不當數調發以搖人心 雖多未必人人皆勇宜詔諸將精擇既鋭别籍而厚養 撑將分兵戍諸州俾就閱習以息大費折姦的使廟堂 江東團教五閱月費稱錢且二千萬諸道計不減此宜 時度某

士然後可以詰戎兵陟禹蹟服海表言益有指意切而 金りせん 歲凡百數用官舟者多負而產商船者不虧益商人自 東落道里廣袤上令為圖以進至是圖成未上而去服 都司助調果實幾微所屬若視吏籤擬即涉筆書不置 解不迫識者知其忠蓋明年除司農少卿奏諸道糧綱 除召見乃奏之序言周公戒成王立政勿以儉人惟 有未便輕請都坐白或其曰瑣瑣辨切非朝官體公曰 可否安用我輩邪居月餘丁內艱初對因及西南徼外 卷九 ٠٢-

一受其形故不為姦權卒率暴遊手衣食于官無所額籍 **莞不盡其利而課入大增歲羨緡百餘萬會課當還官** 薦饑朝廷方講荒政公人以為言乃得請無領縣軍酒 歲率虧三萬斜細民勺聚撮累以輸公上而一歲之間 若情運脚以僦商船之為便乎復為左司郎中熙豐行 義倉法獨不及南方公守桂嘗以為請不報至是歲適 官不就運運脚之利州郡私之侵漏之失大農任之孰 輕捐三萬 斜以惠麥豈不甚可惜哉且運 脚與租同輸 毎に来 ニナベー

是倘祥其間縱觀古書以自娱尤玩意于春秋謂經有 公其與也又知公屢與權倖件因据他事論去之先時 年不復請期以明年七十致仕未幾而卒淳熙八年六 管武夷山冲佑觀公不欲受逡巡數月乃拜命秩滿踰 公己結盧延平溪南山水之間疏泉發石號曰盤潤至 也既而有知公去國之所以然者為請祠官之禄得主 貶而無發傳者未盡得聖人意方且緒正其說而未竟 公解不獲命方請馳之其屬會執政有罷去者護者意

郵定匹庫全書

卷九十三

たいちまごう 請大夫娶羅氏再娶宗氏皆封恭人子仕住今為朝奉 其下後有賢牧守如李公治張公杖多視公時行事以 郎通判融州事次士間當以修職郎監潘對酒庫而卒 為法而刑獄使者鄭公丙閱其决事故贖歎曰此判不 月癸亥也始時桂人為公生立祠至是聞丧相與哭于 進士宗大同謝舒宣義郎陳善慶文林郎黃東所為文 又次士们修職郎常德府司戸祭軍士嚴承信郎女適 可移端如南山矣其為名流所推伏益如此云累階朝 脚電焦 一个九

金好四周全書 者固以此然天子知之士論與之卒不能與世合不大 狀來請銘子當一見公于閩縣後不復相值然公之行 三里大員當蟠龍山之原而以故右司郎中何侯萬之 有盤潤集若干卷奏談若干卷士住等葬公太平鄉天 事則皆接于耳目知狀為不誣矣何侯又謂公安稟端 裕不見喜愠家無姬媵禄稍以班族里平居接物甚夷 顯電不願也歇歷中外聲續該然為朝廷所嘉重獎電 **剞劂之節遇事乃見意謂當然怨怒不避也中不自快** 卷九十三

見于設施者抑亦以此歟在江東時即命獎諭有皆龍 **昵信臣力足以進退人者公無所私媚再選朝也嬖近** 知上意向公遣所親道上所稱賞語且致願見之意或

見謂材被追用執政數語公以酒羨課獻內帑公笑而 獻自媒邪天官虚席上閱班簿謂執政曰張某資歷高 不答退日一錢畫公家物朝廷欲用當自取之吾寧以

一見即近用公義不往計臣幹利以羨餘獻者往往

次是可長公馬

宣勞久且將用公公於內外既兩無所諧附竟莫有為

脚魔集

百蠻震擊民懷恩入樣宰府贊經綸因事納訊忠且勤 張公庶正蚤發聞聰明仁愛又敏文中歲仗鉞西南奔 住從予 と友張敬夫官學有聞驗其操執器能信其有 深者予以是益恨前日之不獲蚕自附于交遊也而士 公已逆處懸断于胸中矣不足為公憾此又為知公之 助者遡公所守與世相違如是則夫難合而不盡用者 似公者乃悉序次其語而鉛之銘曰 朝翩然謝垢気演仙仙去孰與羣貧當之斗水清淪

住城鬱鬱花仍累我銘不減公長存 運判宋公墓誌銘

公諱若水字子淵成都府雙流縣人其先唐相文貞公

散居成都印蜀之間號五房宋氏雙流其一也公之會 裔孫旦以給事中從僖宗入蜀遂家眉之彭山生五子

次定马巨人等 即母蹇氏亦贈安人公自幼即知刻苦為學邑之賢令 大父右言大父傑父維皆不仕其父以公故累贈奉議 如任公淵李公壽皆愛其文行屈革行與交及將就奉 畅庵集

|贏以規賞公日獨不為後人計耶歲早民争水泉之利 舉試外省得奏名對策廷中切直無所避考官不說猶 金与口屋と雪り 羣聚相殿擊且欲為亂公單馬齡之皆釋仗聽命公又! 更調龍州仁壽縣主簿監永康軍青城縣味江鎮稅兼 以冠乙科授左廸功郎嘉州龍遊縣主簿未上丁外艱 有欲移公試漕臺者公曰欺君誣祖吾不忍也卒從州 反耗公至弛禁薄征而舊弊頓草課入大增或勸獻其 合同場先時茶禁甚急而私販益多商箕甚重而歲額

為梅于靈湫一夕下雨而水溢溝倉皆滿焦搞以蘇物 情乃安明年薦餓民又相聚剽掠以求食有期以其日 掠鎮民某氏者公召諸豪語曰饑民求食此易與耳私 其黨使為一境之衛不唯足以銷其姦心機民知吾有 販之徒負勇玩法一與之合非小變也今能出力以致 備亦憚不敢進此一舉而兩得也諸豪皆應曰諸悉出 金弊推牛聽酒召致其徒雜于居民保伍之間日以兵 大三日日 八十 徇于市公亦帶劍躍馬其間衆皆畏服而餓民遂不敢 =+=

學公為作孔子廟考古制器率諸生行釋真禮延師儒 犯且曰是當為找禱湫出泉者吾當謹避之耳鎮故無 徒知嘉州犍為縣神泉民相率雷之不能奪也公於二 為言州家使得善去邑産黃雀歲供諸司百萬計公請 躬講說士子競勸制師汪公暨諸使者聞其賢争薦之 罷之民用不擾而物生亦遂至今為法諸司知其治行 移知神泉縣始至承廢弛之餘首罷追胥之擾但以幅 紙書負租與民為期無敢後者不數日盡價前令宿逋

邑皆治其學校如味江所為民有訟者躬以義理恩意 辨告諄悉皆大感悦無復犯者其尤無良不聽令敢以

武斷病齊民者乃捕劾之上獄于州罪至流徒於是問 太常寺主簿齊宿必度濯溉必潔同列愧數以為非所 里正清善良皆得其所改宣教郎幹辨諸司糧料院推 及新繁故有藝祖神御蜀師請改築宫于成都事下太

|常公聞其且將大興土木窮極侈歷使民不得安為處

駁議事乃得寢選國子監丞再入太常為博士轉而為

畅庵集

火でりまれる

金人口居台雪 長是其言白罷之以旱故的館職條上闕政公為書數 將以故事為暴書會而上方関雨避殿降食公為官長 丞兼吏部考功郎官改兵部除私書丞復兼吏部三**館** 伍為所以禁防誨誘之具甚悉全活者眾汀州逐且多 移福建閩俗故多不舉子公與帥司合議按律令嚴保 萬言歷數當時刑賞之緣以為是所以干陰陽之和者 言君父焦勞如此而臣子相與宴樂誠有不自安者官 宰相聞之怒出公提舉江東常平等事上稱公該實便

戴公德建陽抬賢里故常別貯常平米數干解內歲發 奮擊以助官軍有勞效者皆弛其租汀民大喜人人知 盗又名庫鄉常時使者按行多避不往至是群盗南平 更屬鄉人士君子歲敵散之一方尤賴其利除湖南提 死傷横道疫癘大作又非常歲之比公獨慨然引車宗 というらいた 以賬民本隱士魏君拔之所為而歲久陳腐出納不時 反以病民有以版曹所下社倉法告者公喜立為移書 , 煮樂自随親問病者飲之民為盗所攻劫與能 得架 脚庵集 三十四

金切四周五章 尤多盜皆畫伏豪民家抵夜郵出以故發不時得公至 點刑獄公事建人老稚邀遮戀慕至竟日不得發湖南 職又條七事以申做之於議法尤兢兢馬每論死刑必 **誅賞之由是皆樂為用盗發軟得奏獄官毋得兼攝它** 旅按行所過察視激稿如法月調諸縣弓兵校其藝而 得召保復歸農業者公皆撫而遣之又檄諸郡精閱禁 齊戒露香要質于天然後敢决决日輕罷燕該所以致 明保伍之令使相收司盗無所容至有扣頭車下請

使西不能無斷地脉請築山决水使復故道下公平奏 之毒散祠城東故有溪並城南出後或鑿城北地導水 以救之衙山浮户有與土人不相中者請闕言衡山國 其欽恤之意者無不盡也屬部大礼遣吏挾醫戴藥馳

家者不無為析離居之苦且毒微之云無所經見就如 其言則國家中與慈皇壽考皆在西流之後尤不宜安 公言水西出歲久故道皆為民居今欲東之則是數百

人民日日 八十二

有改作事乃得已衙州故有石鼓書院塩廢亦久前使者

脚壓焦

三 十 <u>五</u>

金牙口居台灣 賢尚德之意不獨為科舉計也被首攝帥事飛虎軍素 潘侯時始復營之公成其終為增置弟子員以永嘉戴 大旱下車首問荒政所宜發原勸分蠲租乞米以次施 過勤遂得疾改除江南西路轉運判官而江西是歲亦 士民以是得安其居而軍吏亦皆悦服會久不雨請禱 縣悍白畫掠人吏不敢問公一以軍律繩之賞信罰必 溪為之師割田置書教養如法又知處士劉某之賢與 即守劉清之交章論薦詔持補官於是學者乃知公好

行其奏請者亦多報可又行即事事益散委公自力不 年五十有八方病草時民相率為公穣檜無不至晨夕 少休家人有諫止者皆麾而却之遂以大病然夙興猶 資禀醇厚隆於孝友處內外族妇長少存没之間不見 送數十里不絕湖南吏民聞之有十里來赴義者益公 視事如常時夜過中遂不起淳熙十五年二月甲子也 走府門偵起居狀及卒皆編素用哭行日號泣挽車哀 ブノこうこう シュー 其少有遺恨為學勤恪不解既脱場屋益玩意于聖賢 三十<u>六</u>

曾虚口推以及人一以仁爱惠利為心聞善即行如恐 義理之學近自問程張馬之言以達于經吟諷辨說未 **到灾四月全書** 賜予貴臣給使宣借百司吏禄之費及減畿甸房編以 輪對請成羣下懷私立與迎合紛更之弊損宗戚歲時 惠貧弱上皆稱善公因極論恢復大計反覆數百言上 為之言不過用人材嚴守備以俟敵人之累而已嘗因 也其在朝廷据經守正不為尚合雅為虞雅公所知其 不及故所臨治士民愛戴見于風語非一時諛說空言 张九十三

夢有問易之一經熟為門户者應日陰陽兩畫非易門 皆廣恩優老草薄從厚之意而其應詔言事則直指字 益喜顏日即當相與赴功名之會耳事下有司不得盡 為文汪洋融液務極事情晚歲乃更造約尤好讀易當 施行而房稱之惠遂及于天下他議貢舉銓注之屬又 在湖南益嘗有召用意宰相以前忿尼之識者恨馬而 相挾私罔上之失無所避雖以是不得久于朝廷不悔 也壽皇知公深當語近臣斯人乃朕于奏對間得之其

尺きり見さい

脚庵果

前安人張氏蜀之故家漢御史綱之後歷千餘年而譜 傳十卷史論十卷古今詩百卷雜者三十卷奏議五卷 牒可考不紊安人性賢孝讀書史善筆礼通古今識義 戸也耶其精請純熟益如此所者書有經解五卷書小 族黨有恩男丧悉力佐公辨治如法人以為難公居閒 久上官有欲使攝局者安人不懌曰吾之貲尚足以支 古詞以諫既歸公事舅謹敬奉祀莊肅和叔妹有禮遇 理而不肯為詞章文收嘗字水康頗以嚴治安人每陳

方直之操士夫或有愧馬不但為婦人之賢而已先公 值予哭子悲甚言不能文顧與公相得晚而相知深其為 伏臘狗禄從人得無應素志宁公喜其言為謝不往其 年乃達而予適有臨漳之後使者以書還明年復來則 於成都縣楊侯鄉及山先墓之次遣人來建安請銘踰 出也之源等以十六年十二月某甲子韓公及張安人 源之潤之汪皆皆學而有文女一人適熊應早卒皆張 十九年卒後安人宇文氏宣教郎鷹之女子男三人之

義齊縣南從而學者甚眾娶何氏生太孺人年十有七 資之厚分學之博退循循分進諤諤三方一節思無數 連歲再至而不倦也勉為之銘以致吾意銘曰 社倉書院皆當為記述又重之源兄弟之請越數千里 太孺人陳氏建陽縣三桂里人父安世强學博聞當立 九原歸即不可作我銘其居詔冥漢欲知斯人視斯石 同里周君周君為人寬和樂易不以家人生産為事 太孺人陳氏墓誌銘

次定四重全 二十年而憂人之憂脈其厄窮病苦雖極力不倦中子 太孺人佐以勤敏持家儉而有法訓督諸子甚嚴至待 舉進士登王官再逢慶恩周君得以承奉郎致仕太孺 **沸晚好浮屠法得其大指遂不復問家事惡衣菲食逾** 自處者不少異于平日也紹熈元年三月某日以疾卒 人後以宗祀需澤亦錫今號鄉人荣之而太孺人所以 嫁不逮事勇姑而歲時然享執事必親記事常嗚咽流 姻黨遇鄰曲則又咸有恩意少時丧其親哀慕不懈及 - 晦庵集

管以承議郎差却邵武軍光澤縣事讀書處事精敏絕 前五年卒加贈至通直郎三男子明佐明仲明作明仲 **廣平山之墓才數百步明仲以銘來請予雅知之不得** 于家卒時精與不亂享年六十有八周君名誼字少賈 辭也銘曰 月其日諸子葬太孺人縣西新嶺天湖之陽東望周君 瀏而李未行孫男二人吳亨震亨女三人尚幼明年基 人所至未可量也女五人其壻陳錞蕭思濟程心顯陳

伸區區鳥鳥之養每一痛念不如無生獨幸累年以來 守禄賜豐厚足以飽妻孥飫童僕而慈顔永隔不及少 世而新我其銘之以相後人 於百百五 · 求無負于明訓徒賴遺澤得階末第從官積勞至切郡 禄壽不配其德仲光既不幸蚤孤又不能勉進德業以 **濠州使君劉侯仲光以書來曰惟吾考妣皆有賢行而** 母之賢足以成其子子之賢足以顯其親西嶺之阡百 宜人丁氏墓誌銘 9 梅庵集 +

金月四月百十 數逢國家大慶累贈皇考至朝散大夫皇妣至宜人尚 自念老矣或遂泯沒而無聞則後生小子将不復知前 有以少慰人子罔極之思者而先宜人之銘久未克立 奄筆研廢棄久矣然感其意不忍辭也乃考其事狀而 幸哀而與之銘則仲光知免矣敢泣血再拜以請余讀 次第之宜人姓丁氏世為永嘉大姓以積善好施聞於 其書不能終篇為涕下不自禁時方即病田間氣息奄 人立家本末重此不孝且無以見先人于地下惟吾子

博之具喜賙人急遇下有恩然其居家嚴未明而起內 實無表樣樂善愛士起居有常雖甚暑不袒楊家無浦 宜人早歸同郡劉君諱某字元黙而劉君之為人亦該 とこうら シラ 時舅姑皆無恙晨昏無違禮内睦娣姒謀嫁諸姑外接 久之舅病痱宜人侍養尤勤羨非手調不進舅亦非宜 親戚輯鄰里恩義俱稱重輕有則於是翕然稱為賢婦 外井井教子弟尤有法而宜人配之無遺德馬始入門 鄉父諱瑜尤長者兄弟皆以進士官州縣練達有能名

共即起扶掖飲食終歲忘勞姑每感沸謂曰病愈當終 或垂涕泣而道之聞者感悟遷草乃已劉氏與同里胡 願為汝子孫以事汝姻益間有過失敢為晚營該復甚 身事汝如母臨没又謂曰即死當報恩地下幸復為人 好喻之又資以金錢使與其子俱試太學以遂其志其 人所進不當也站為比丘尼與宜人年相近病迎歸與 里人有子好讀書欲為儒而父難之其母以告宜人既 **氏有舊好宜人遇之思意尤為胡氏長老至今以為言**

金分四月五十

電輕令持燭行前既発則教之酒漿烹飪益藏之事祭 年某月日以疾卒年四十有九葬于其縣其鄉其里子 未并時已令夙與備盟櫛奉樂餌夜嘗躬視偈鍋灑焬 男三人長日昭入太學被為未第而卒次曰某亦早世 祀賔客之奉且戒之曰爾曹毋厭吾言異日當家其力 人後常以語人且歎息曰今人不復有此風矣大夫公 耳以故諸子皆以文行稱而女適人者亦能持其家某 既嚴于教子宜人又能彌縫其間教諸女以身為法自

とこうらんかう

胸庵某

四十二

金河四屆百章 順萬里睦媚黨力豈多惠能廣勤夙宵謹微細男於學 遠也然則宜人之行其可以不銘銘曰 廉静而服其明識不知其母之賢所以資之者如此其 一家州行為厚早以文學吏治者美稱仕丁朝且通顯一 旦求遠郡去有挽而雷之者弗顧也士大夫莫不高其 遅曾孫七人日仁實仁近仁守仁及仁任仁愿仁復也 其李即仲光令以朝散大夫權發遣廣州軍州事女五 人嫁尚氏葉氏潘氏餘木行而卒孫三人曰邇曰適曰

欠至可見 二十二 官人曾祖紹祖選父仲文皆不仕宜人性淳質不解世 事甚的躬勤儉以衣食撫教諸子甚恩故諸子皆得以 宜人黄氏令宣義郎致任陳君衙之配也世為福州侯 自力于學而仲氏遂以進士中第補發州户樣宜人見 授找銘語無斁 俗機事數見欺不自悔既嫁事舅姑唯謹相其夫理家 女恭饋責幽壤鹽関書季之賢慕有餘街深悲考潛德 宜人黄氏墓誌銘 胸庵集

時先八年沒女五人長塔潘子修蚤世次適修職郎泉 號紹熙二年七月乙那卒年嗣 子男六人孔夙常貢 于鄉孔碩文林郎處州州學教授孔易亦當預貢籍孔 屏不事曰不在是也無愧心足矣以慶壽恩三錫至今 汝為舉子時也初好佛書讀誦拜跪終日总俸一旦忽 其問貝獄必戒曰人命至重毋使有冤聞當答人必戒 州司户參軍趙彦夔李尚幼而二男二女皆天孫男四 日輕之毋使重傷見其被繳考貢士必戒曰詳之毋怠

科者君之曾大父某左朝奉郎太醫令大父林右從政 君諱琦字順之饒州德與人董為德與著姓世有登儒 有婦之德為母之則無愧其心反此真宅 從予遊狀其行事如此來請銘不得辭也其銘曰 月某日葬宜人某縣某鄉基里基處而孔風孔碩皆當 人女一人而女亦夭諸子以宣義君之命將以明年某 即處州縉雪縣令比兩世皆以才稱父陸始不仕而亦 **廸功郎致仕董公墓誌銘** 豚を集 B + 57

韋弦之戒君佩服唯謹及更今名而猶以舊字行示不 敢忘也年二十五始從鄉先生韓漢程公受春秋學程 **縉雲君豪其過名之日執系而字以順之曰以是為爾** 以氣節聞君生有英氣務為倜儻可喜事不肯踐絕約 出田栗倡之事以時定里人賴之常上壽藏既得吉而 雖益以風義自許而不復事少年豪習矣義後法行首 為說大義稍以禮法開之君自是寝若有省痛自刻厲 公命設几案日與對誦春秋左傳及近世胡氏傳時時

卸灾匹库全書

義多此類晚得諸公家孫禮讀之曰是固可勉自是歲 時祭饗齊潔灌薦跪起如法比老不倦既絕意進取漸 所知有貧不克葬者舉以界之無各色少常從程君倘 市者不速也淳熙十二年天子奉觞德毒宫推思替老 酌劇談終日間及世事而處其是非成敗則雖老于朝 屏家務即所居旁雜藝花木蔬果以自娱客至開尊命 及其弟舟學二君沒久遇其子若孫恩意不少衰其好 以子銖故授廸功郎致仕紹熙三年八月康寅以疾終 016

多定匹库全書 悔以是士之賢者愛之其不肖者傾事之及其卒也皆 然未當宿怨人或待以横逆往往更結以思意使自愧 年七十有六益君為人精悍議論貴决白不為摸稜合 傷之少嘗讀馬援傳慨然慕之既涉世不偶又頗聞先 胡態有所喜怒若站物不下必吐出廼已然已過則夷 之死無聲告人當恨之如君者使少有所遇合以其才頡頏 生長者餘論乃更折節為儒生自力于善識之者謂其 視畴昔猶兩人也嗟夫天下平治士無功名才否一區 卷九十三

進士鉄尤好學自立庶能成君志者銘曰 此來請銘予不及識君而韓溪先生者先君子之內弟 周氏科且屬新吉州錄事為軍程洵紀夫狀居行事如 亦前卒孫男三人女二人明年錄將葬君湖山之原以 始君自恨知學晚教子甚力故諸子多材而寫錄皆舉 女三人嫁余梓程徹王中皆周出也而鎬鍅及程氏女 名夫即其子也鉄又來學故聞 君之行事為詳其可辭子 世可量哉娶周氏李氏皆前卒子男四人錦鉢錫鋑 脚龙东

銀定匹庫全書 才之良氣之例有求必予義之方能不試老其鄉嗚呼 **歩巻九十**二 老九十三

Ξ.

銀定四庫全書 集部

詳校官庶吉士臣朱 理

主事日雲棟覆勘

校對官中書臣葉 曆録舉人臣張 蒯

總校官庶古士 臣倉聖脉

護

次至日本合い 誌銘 梅庵集 贈通奉大夫諱良佐始以 書公良貴遂以清直致 、既孙中書公爱而收 縣人曾大父諱宗簡 撰 賣場嚴禁防謹次第大官要人無敢干以私皇城邏卒 造船場部使者以為能多屬以事皆迎刃立解且不以 簿躬校簿書蚤夜寒暑不少解田里頼以安監臨安府 教之欲使後已公以親沒無所受命辭乃任以為登仕 相雷官中都公固求奉祠以去己而差提轉雜買務雜 郎為娶李莊簡公女李公亦器許馬初調袁州分宜主 會去不果公亦未當求薦而當路争知之改通直郎字 上官喜怒為向背御史杜華老聞而賢之欲引以為屬

こうこう 歲旱橋雨不應公應戳有冤亟往訊馬果得二人破械 時即學官召諸生而教筋之遂無敢以事至廷中者女 置之方為科條以屬吏簡易嚴密無所偏倚郡以大治 官道士託妖妄求勅賜以表其居挾簽樞張説書屬公 上其事公不可說復喻意部使者以感公公卒不為動 挾恃干紀公按致其罪不少貸人為公危之然公以廉 不可逐出知興化軍前俗險健多訟公至完其利病施 白自將其黨雖怨之卒無以報也終更宰相又欲留之 晦奄焦

還賜對公言那縣者朝廷之根本而百姓又郡縣之根 葉壯固字質民至令詠歌之適歲存餘慕客舟子錢博 陳霸二斗門及木蘭陂溉田數萬項歲久廢壞公為興 遭之而歸其獄于吏車未及旋大雨立至郡故有洋城 縣緩其輸漕司不悦督愈峻公訴于朝竟得罷乃已召 程而寬其期人始莫喻其意既而雜者得以其間往返 公為有謀也請蠲歲輸丁米錢干萬久之未報軟移屬 再然後及期則雜價久已自平而民不饑美人始服

動定匹好全書

りょうき アナラ 路常平茶鹽公事至則罷中都饋餉之不如法者豪貴 能否而輕以界之欲本固而邦寧其可得乎上善其言 本也今不計州縣之事力而一切取辦又不擇人材之 而詠它司上其事公坐削一官移江西未行又移江東 那大擾有死者公徽罷之守以是怨陰以禁兵給白直 已多不悦而平江庫錢失漏守因是誣富室以取償一 欲雷以為郎而公有所不樂力請外乃除提舉两浙西 入境發贓吏一人故相有為請者不聽竟按逐之列城 晌庵焦

中遣其屬哭入傳舎即几間奪去嫚罵陵折一郡大駁 献使者丁時發過郡間其冤取具散閱之將發其事粹 震鋒行部所過延見父老使縣别為輩以次召問所疾 以屬郡粹中恐怒捕繁卒汪清訊治强服亟奏誅之刑 苦及吏治得失戒州縣毋得除舎館飾供張鈴鍵吏卒 所過肅然父老歎息以為未始有也池守趙粹中恣横 不法遞卒原給不時有盜發邊奏黨匿名書以訴者詔 公時出按旁縣與歸與時發共劾之會時發改使湖北 卷九十四

金 切四月百十

書者朝廷始罪粹中而恤清家尋復起公提舉荆湖北 事久不報而公繩之愈急章三上遂與俱能後得真黨 **詩急監司州縣希意避罪不暇復以百姓為心下失人** 路常平茶鹽事入奏為上言比年戸部調度不繼督賦 置局考校給與以來出內之會参互省告繼續補助為 和上干天變其原在此願記有司悉蠲州縣民間舊連 經總制錢以充費不則且止以俟他年更詔大臣選官 而内出禁錢以補上供之缺其招衛卒除我器皆許留 脚庵某

經久計常使产部支計有餘則州縣寬而民力於和氣 問通租內藏積久亦已蠲放卿言州縣擾民之事朕亦 應矣上聞公言歎息稱善且曰朕於户部應副多美民 部此誠何益正當一一與補還耳因諭所以寄任之意 開之益所謂黃紙放白紙催者若已蠲之而又責于户 甚悉宰相猶欲留公典選公力辭之部承水旱之餘教 喻懲敢安集脈採曲盡其力民又病疫則遣醫視療家 至而日課之以其死生多寡為殿最由是全活者衆俗

到好四月全書

多陂澤官不障故使貧民得漁其間賴以食者甚聚既 喜焚尸公敕諸縣各治叢冢焚者有禁民莫敢化湖北 施行行之日士民自言諸司乞雷公者以干數出境猶 請復増租而史緣為簽畫斥貧民所漁以給富家失業 遮道攀戀涕泣不肯去有盗殺人而誣指買人梁晚四 提點刑獄公事將行猶為條奏本道荒政數十事詔悉 狼狽者不可計公為申明其法悉以還之未幾改南路 而或以翰租自占而專其利則民固己病之至是議者 てこて こここ 脲暱集

旬歲再鞫官憚于留滞雖或有冤亦弗敢白以此震心 歴晷刻不差乃得其冤狀即理出之而劾官吏失入者 為罪首論當殊死前後七推具伏録問輕不承最後至 廣州東主管廣南東路經略安撫司公事將行猶奏柳 或少異必取初鞫官吏承伏而并按之追逮往返或淹 上大喜可公奏下諸路以為法义奏新法獄經再鞫詞 公親鞫則方盗殺人之時晚四實在他所参縣行由印 反枉濫者聚請得復用舊法上亦可之除直秘閣知

金好四周全書

者招納亡命前後殺人無數而掠其貨以致富交通州 縣吏不敢詰民患苦之號為四彪公擒捕誅殺汀潴其 吏不得格期外不去復捕如初於是皆散有孫氏兄弟 漕司通融補助以息後患廣東地接郴桂汀贑之境四 州度用不足多横賦以供軍馴致巨冠前後非一 Carried Like 州之民歲一踰嶺貿易折閱即相聚為盗大羣至數十 居它盜望風破膽大奚山十八海中起攘所聚雖良民 人公入境適捕得渠帥八人即斬以狗曰三日而去者 脚庵非 一請下

家士族女失身非類贖而帰之上聞公完心獄事部持 死者厚膊遣歸存沒老稚無一人流落如是者三十餘 其首家使以捕賊自劝由是盗發軟得有功者為奏補 受師府節度非它司可得而調也且争小利起大盜將 官關死即官其子而重責其坐視不赴救者官屬不幸 誰使任其責耶卒拒法不為發良民既得少安乃陰夢 是新置都鹽使者銳欲禁之檄水軍逐捕公曰水軍專 亦以漁鹽為命急之則散入城中不可禁所從來久至 表九十四

金切四周全書

華縣開國男食邑三百户其配李氏諱孟琰字文靚孝 之命未行而以疾卒享年六十有三界官中大夫爵金 是帖服無敢犯明年召還以疾群進直顯謨閣知太平 精禁磚廣咨詢蠲稅租弛逋負民得小康饑不為害飛 とううこい 友聰明識趣高遠莊簡公南遷時年未及笄已能刻苦 州未上又明年除尚書左司郎中竟解不就乃申太平 虎軍騎横不可制有恃醉挟刃傷人者案軍法誅之於 轉朝議大夫進直徽猷閣知潭州安撫湖南復值山哉 脚庵集

金好四周全書 多木行益具所須推予不少對奉祭祀公試故事以公 白厲甘忍貧薄周恤親黨雖凶事無所憚既歸公諸妹 整而御下有恩縫初必精澈澣必潔而不為組織華靡 每能官治衰皆一日辨警敏絕人而不為背察治家嚴 事買市物而門內之治雖細必親條理精密如嚴官府 與公言未當以爵扶進退為欣戚其教諸子亦然有識 義衣心親製食心親皆樂必親煮從公居官未當問外 髙之累封令人後公三年卒于男友端友恭皆力學有

等葬公紹與府上虞縣永豐鄉張澳之原以令人祔公 常寺主簿史彌遠孫男須孫將仕郎女二人皆幼友端 志操友端嘗以進士髙選今俱為從事郎女友松嫁太 務施舎而出納纖細無所遺與利除害皆有成績為部 小官即以治行有聞治郡先教化而訟獄期會無不謹 張敬夫日伯恭間切劇不倦晚歲讀書厲志彌篤自為 少從中書公學長塔李氏又得莊簡公為依歸中年遊 使者廢置不避權門斜劾不憚大吏咨詢撫摩無隱不

面穴四月全書 息小惠以掠虚譽每言欲寬民力先恤州縣州縣足則 一為也有所弛張必先完見利病本末然後出令耻為姑 **隆其綱維總攝而脉絡通流是以坐走百更而我常無** 授任治民訓兵禁姦除暴無一不可法者益常自謂吾 達至典方面養威持重務大體不細하精擇丞史随才 律令從事於杆獄尤兢兢然亦未嘗縱釋有罪也所至 科飲自息而田里安矣謂權酤茶鹽非古法不忍盡以 之為治主于寬而不使有寬名輔以嚴而不使有嚴迹 卷九十四

盡力所至稱治近世士大夫間號精更道有科指而寬 事事有不便于文法報身任之不以累其下是以人争為 吏如童僕按寮屬如朋友情官帑如私財治公事如家 無巨細少以開以祥瑞告則抑而不省其愛民如子駅 用勸薦士谁公論是與不私親故不受請屬有所薦輕 **聞而歎曰潘公薦士可謂盡善盡美矣所部水旱盜賊** 閉問草奏物吏莫敢言雖被薦者亦事下然後知伯恭 必問人材興學校潭州嶽麓衙之石鼓皆一新之學者

常度其仕進不即人而人即之然有小嫌輕避不處曾 書有以自適未當一與諸公貴人通聲問晚歲召還益 猛適宜大小中度者無出其右其持身尤謹飭言笑有 朝貧賤時當以詩文見及貴絕不與通使人來致殷勤 書得歐顏楷法勁挺嚴密如其為人雅不信浮屠說無 將有以處之而公病矣亦會有謀傾宰相者陰尼之遂 竟不獲究其用論者莫不歎息而公處之超然少喜學 **輙不報以書請事亦不從歸自江東環堵蕭然彈琴讀**

面好四母全書

嗜好既病神明不衰起居莊敬如常時顧諸子誦曾子 易實時語而絕是則世之所以知公者猶未足以議其 之說嘗者石橋録以斥其妄丧杀不徇流俗平居無所 士患不學學患不行口禁身悴物重身輕偉軟潘公夙 故于其葬來請銘不得解也銘曰 憊矣道固委蛇唯其德學知者益鮮我銘其幽以告悠 方也熹從公遊雖不久然相知為最深友端等又來學 有奇尚蹈履密微老益堅壯湖清海謚百辟儀之歸敷

金灰匹库全書 升進士起家為吏以康正稱累官朝奉郎贈大中大夫 遠 詳識之奉母南走湖嶺間備嘗艱窘而竭力以養母 母楊氏趙氏張氏皆贈碩人靖康之難汴都不守大中 相慈孝人不知其趙出也用遺澤補官調潭州衙山 公以衛父見傷父子偕卒公年尚少景殯佛屋深雲 公諱椿字壽翁洛州永年縣人曽祖安祖泰皆不仕父 數文閣直學士李公墓誌銘 卷九十四

陽監司理恭軍盗發臨武將尉縛六十餘人以獻公辨 **趟姦發伏人不能欺决事問理如何不為勢奪再調桂** 其一將宾之法而囚家訴免公被機鞫之使召告者則 無其人問其同徒則已斃于路矣閱故贖則斃者是夕 聽後圖那坐劾去公獨免邵民有告兩人為盗者郡得 十年徒衛州軍事判官守與部使者交惡公諫止之不 求去不獲守悟乃更相知建復臨武縣盗以不作者二 理之才六人抵死它所活亦甚衆以數争獻事失守意 够庵某

執偽券取陳氏田陳父子斃于很妻又將斃矣公辨其 偽奪田歸陳氏金人將渝平亟白守將修城聲董軍械 備差遣及拜宣撫都督皆以自随益公始見胡文定公 料民兵甚整人恃以安張忠獻公節制兩淮軍馬辟準 退與其諸子遊從容言曰椿願天下之人無不唯是之 乃在他州有左驗囚乃得釋從寧國軍節度推官豪民 **彩耳胡公園而異之其子仁仲後見公所論富川六事** 亦謂有經濟才張公知之故取以為屬該以經畫淮甸

到员四届全事

事公為奔走兩路終集流民布置屯兵察廬壽軍情相 常賞官屬公曰今未有功而遠求賞己非所宜且先將 視山水寒險要凡四五反詳審精密所助為多它如謂 聚至于事有不可則固未當為尚也宣司記事議請 督府當鎮無為請制戰車以易拒馬之屬未及行者尚 九三日事亡時 將從之公在外亞奏記張公曰復離討賊天下之大義 然之為止不上後諸將有以北討之議聞者事下督府 佐則無以勸士卒溥及之則無以待有功皆不便張公 **脚庵**集 †

金り口足る雪 得其地不能守也書未入而師已行則又言曰大將勇 府而出于諸將則已為與尸之凶矣况藩離不固儲備 色必有忠信天下之大豈可厚誣誠欲致之惟不惡逆 而無謀願授成算件進退可觀毋損威重既而果無功 不豐將多而非才兵弱而未練節制未允議論不定雖 也然必正名定分養威觀墨而後可圖令議不出于督 張公悔之一日喟然歎實材之難得公徐對曰十室之 耳而甘遜志則庶乎其首來矣張公復拜右相公知事

灰足四年公馬 少以錢皆當上意除知鄂州再對請令墾荒田者三分 郡縣三請以墾田為課最而更賦法改禄令多以穀帛 羅招雅之擾二請無汰去軍中百戰之士以肚軍勢寬 州以歸未上召對首請復廣西州縣運鹽而罷折税和 出幕府得監登聞鼓院在職數月有所不樂請通判康 而自以宗臣任大下之重不忍决去計也未幾果能公 而公無故去廟堂此必為復申前議甚苦張公心是之 不可為勸之去明年春又出視師公曰小人之黨已勝 **酶庵其** : + =

其租三年乃增其一三增而畢輸請罪經總制錢悉為 刑獄公事廣西舊遊習其民情之欲惡有所更草不戒 方略軍民之争一决以法主將悦服移廣南西路提點 際以誠調度從約未幾遽振而贏嚴火備禁姦盗皆有 而学官吏有罪免之而已無所窮治未竟之獄一以輕 户数千曠土大辟郛地重而守權輕賦簿而用廣公交 平所縱釋數十百人盛夏按行慮問導悉退閱文書一 其脹目以省更姦上可其墾田說至那行之復

販難民争 雅米彌貴復柳米價商船不來公至損配數 得市土物事皆施行移荆湖南路轉運判官俾入奏事 夕千紙奏罷發運司所復昭州金坑請禁仕海南者無 戒吏具州縣所當問事目以行而罷諸常從者所至州 除米估人用不餓奏請蠲歲程代發二分米出緡錢權 行及近甸時军忌之促便道之部適歲大浸官配民備 **档幣和羅米宜用市直使毋太賤傷民人以為便自為** 小吏時已病監司行部從吏卒優州縣至是當出輕前

次色日見心皆

够熔集

金少日后 石雪 請于宜州市馬因簽書張說以聞公語說邕遠宜近人 言事者亦請下諸道以為法召為吏部員外郎復論廣 乳不知其前日故選其塗豈無意哉况今莫氏方横乃 以安除樞密院驗詳諸房文字小吏持南丹莫氏表來 西鹽法上是其說俾條施行之目以上遂改法馬其後 取吏卒使令凡以例致饋一不受自是人多效其所為 欲為之除道而價以互市之饒誤矣小吏妄作將故邊 二十年間法雖屡變而折凿和賴招雜之優竟罷民頼

之曰賴吉建劍等州民衆俗悍雖多慕不難致淮漢荆 蒙請論如法說又議諸郡招軍宜立法以課殿最公語 火戶可事上面 復無用之兵矣它時寧壹以御前兵分七諸州可也始 慰喻安職未發說免乃遷公左司員外郎客禪國論深 怒語人日吾乃無一可耶公聞之求去上問知之亟令 抑吏姦號為稱職當三衙御前之兵有用當益諸州 湖凋弊未復若限以額恐有抑粹之擾積二事件說說 厢禁兵無用當銷銷之之術死亡勿補二十年之後無 - 晦倦集 † 3

言甚悉尋復請外除直龍圖知隆興江南西路安撫避 捐以予諸軍使歲分半卒以耕而益其食至是亦為上 陽軍月椿錢歲萬二十稱而損民稅折銀之直民刻石 祖諱改荆湖南路轉運副使至未一月移都大提舉四 火公言廟府火天寒厭其非制請毋復屋而築壇以望 記之免户部配衛乳香諸路並得免記令不復配衛嶽廟 公在督府管建軍民雜耕之策既而詳其利病乃欲盡 川茶馬俄復歸故官建請十三事同日報可大者減桂

聞紋攻切為羣盜前日之事亦可驗矣請損其直以便 茶于園户與鹽商買券而即受鹽於官者殊科令一其 時江西兵已集冦勢寫謀復南走公函收散亡分守要 賈是以茶商獨困而私販多歲額不敷而民被擾甚則 者公募土豪捕其魁桀誅之餘悉散走事平請于朝歲 害冤不能越故江西得蹙而擒之姦民有規聚徒應賊 分卒戌産茶處盜以益衰又言茶商買券于官而復市 用導禮典省財力不報茶冠作帥以失律免公攝其事

事而有司吝出納乃析小券以一為六實無所損而重 **渚大軍三千捕茶冠數百亡失過半小冠尚爾如大敵** 及歸正之人而歸正者又自以為待之不如俘屬之厚 不可用至于待遇復不均壹使吾老舊之卒自傷其不 子弟以去軍中惟有抑勒寄招之人又皆不習戰陳而 又恐侵漁老成習戰之士一以疲老被汰則挈其强壮 以煩費人益病馬召還見上首論軍政之弊曰屬者鄂 何臣當求其故矣大抵將不得人取眾無祈廪食既簿 卷九十四

郵灰四庫全書

|萬石為一歲倫久之不行公以不得其職求去不獲又 以白宰相日令豐儲倉南上 之數又雅洪古潭衡軍食之餘及鄂商船并取江西湖 石而省倉之儲多不能過兩月請給南庫錢以足歲糧 陳茶法之弊乃得頗增鹽數而公意木已也政府白擬 南諸寄積米自三總領所送輸以達中都常使及二百 司農少卿上自用公為正卿京師月須米十四萬五千 也就亟圖之反此數者則軍聲振而國勢强矣因復力 一庫皆移東就西以眩主聴

權門奉約東耳民事悉付吏手吏得狗勢為姦公既視 者為承受公事守至例謁之公不往怒因喻古故遠延 事親閱文書躬自子决要人請屬一無所聽府故以官 舉矣臨安擇守公在議中執政或謂公於人無委曲上 正之凡百政事各付攸司委任而責其成則名正而實 而使朝廷户部自分彼此告借索還有同市道願草而 以相沮傷公白政府無所用承受請罷之市有火近巨 日正欲得如此人遂兼權臨安府事守比非其人日走

到定匹庫全書

事在府三月竟以權倖不便亟解去而民至令稱之公 **璫所居舎怒不專挾護遣兩卒喧厲公所公奏其狀下** Randonal Litin 在朝遇事輕言執政故不悦及是轉對又言易以九居 位而詞多吉葢君以剛健為體而虛中為用臣以柔順 五六居二為當位而詞多艱以六居五九居二為不當 杖雨卒釋府吏卒勿問僧倚豪貴立私宇至百數會有 兩卒大理獄大理觀望覆逮府吏卒公即家居自劾詔 以姦穢事覺抵罪者因悉以令沒入之而逐僧還所隸 胸庵焦

陛解上曰卿未可遠去改知婺州進私閣修撰上意循 為體而剛中為用岩誠以虚中行其剛健臣誠以剛中 欲留公而公亟言軍政敝武備弱必誤事不合肯乃之 行公益論事自若久之求去復除江南西路轉運副使 守其柔順則上下交而其志同矣陛下得虚中之道以 而事陛下者也願觀象玩詞求剛中之臣遠柔佞之士 行剛健之德矣而在廷之臣未見其能以剛中守柔順 以應經義起治功由是執政滋不悅沮公茶議使不得

金块四样全書

ラン・ショ 筋才四兩令必求此是欲屠二萬牛也上悟為收前部 陳身計當悉疏者令堅定其可否乃行既行而有遺若 非國之福願詔中外有司各條所部元費可省者以開 公言其人未試且衝侍次人請更受員外置不簽書公 未允者重坐吏以此不能肆其姦秀邸館客持注州禄 且思公前言召以為吏部侍郎公又為上言民貧多盗 郡居數月郡以大治會部市牛筋五千斤公奏一十之 上善之而亦不果行也在吏部與吏史約予奪命士所 1.4. 梅苍集

權侍郎上但使事以問門副侍郎耳故所被旨臣實先 右公不可白之丞相亦右榆公奏言臣固知承宣使序 事執政建議欲有所私而託以吏部所改公言是事雖 卦各象其事故聖賢之訓皆以君為元首臣為腹心股 犀臣偷安的免乃按易象為上言乾首坤腹而六子之 倫唯陛下裁幸上不直倫罷之公以上常獨盤機務而 門事張倫次比其事以開倫自以官承宣使欲列名公 小所屬則大請完治上嘉納馬上親屬因命公與知問

到好四月全書

老九十四

大きずる ここ 將皆極言之又建白凡選監司若大郡守宜使侍從集 去職而取從風聞者坐縣隸軍中結邏卒開鋪以搖主 衛兵壞僧廬掠都市而朝廷不深治言事官彈劾不勝 道用人名節取士則士風振而人材出矣一時弊事如 令用人或有未善則過歸于上而政亂于下願觀易卦 **肱耳目喉舌各有攸主令君勞臣逸非治之體且使出** 其職且察臣下有遊近習之門者嚴禁絕之而益以公 之象體範剛之健而使腹心股肱耳目喉舌之臣各任 酶魔集 =+

金好四库全書 都堂公舉所知而宰相族其尤者以聞皆切治體又請 盛矣請抑制之不使寝長官置蘇室限其進子之數官 夫兵將官與之交通之禁則上下俱安而禍變潜弭矣 凡應輸義米者皆置倉鄉社以藏而由歲還以予之亦 高者使補外而門禁官成之外它毋得有所預嚴士大 言又嘗抗言往者閱寺之盛卒階請康明受之變今復 便于事然皆不得行獨衡州監牧諸軍回易竟罷如公 一開靖康明受之語順壓久之曰幼亦聞此因納疏神 卷九十四

という こうべい 改太平州賜尚方珍劑以遣馬當堂重地益以一 百為 詩祠不許而請益力乃除集英嚴修撰知學國府數日 南兵式襄陽宜徙其家屬營江南毋使為屬所襲以病 諸掌又論應城四達之衝宜也一軍以為襄陽近援荆 中以入最後極言邊備不可以不豫如欲保淮則楚州 形勢之緩急兵力之多寡計策之利鈍皆歴陳之如指 欲保江則高郵六合瓦梁濡須巢湖北峽亦要地也其 盱眙昭信濠梁渦口花罄正陽光州皆不可以不守如 鸭電県 = +

皆從之既至力圖上派之備請募選横江水軍千人以 寄公因自請以時行視圩垾有機事得以客疏直達上 到坑四月全書 為濡須東關米石聲援米石水軍所多卒少宜以步卒 不便上納其言亟命塞港它亦頗施行居年餘年六十 盗虜馬或為它盗來歸者有司不問甚或賞以勸之皆 輕穿支港以內升首尾皆屬之江此為自願天險邊民 之半為水戰之用使可舟可陸往來巢湖為必保濡須 之計而凡沿江津渡宜使皆隸南岸比來和州利商等 卷九十四

物不予直者悉為償之斗酒干錢不安用故人賓客薄 釋氣象一切如盛時復稅酒法人以為便前此官市民 思有以鎮安之謂公厚重可倚復起公以顯謨閣待制 致仕越再歲上以湖南兵役之餘公私因散上下恫疑 九即上章請老上初惜其去三請乃許以數文閣待制 Cartina Litin 雅無復出意再辭不獲乃勉起至無幾何悴者蘇疑者 少周助率以私錢州宅火徐葺之不調一夫而復其舊 知潭州荆湖南路安撫使私禮免繁帥街以避家諱 脚庵集

金切四月日言 息郴民輸租吏所加賦幾再倍力請裁之三去其一 **諸縣有羨賦州竭取之縣以不可為公歸其半曰歲饑** 以為非便公曰長沙一都會控扼湖嶺鎮撫蠻徼而二 給常平米二萬難又數萬民以不流死飛虎軍新立或 用不足少須之當悉歸矣歲旱販廪勸公蠲租十一萬 以小寬前在兩州再言配法之弊請使凡應配者私坐 二萬民財力不可計何可廢耶亦在馭之而已異論乃 **丁年間大盗三起何可無一軍且巴費縣官緡錢四十** 卷九十四

淳熙十年十一月旦日薨享年七十有三公生十有五 直學士致仕朝拜命夕登舟歸老衙陽故居野塘之上 卒十二百五十餘人復申其說朝廷為下其事而議者 「竄逸免速送廣至恩召和氣至是計長沙一歲所處 配 加役流法見鉗居作三年而免毋或點沒使得自新免 易兩鞫郡獄須慮問者累旬不至因得晝夜研考乃若 年避地南來貧無以為養不得專力于學年三十始學 **任常或笑以為迁不能草也未滿歲復告歸進敷文閣**

金斤匹库全書 復于上曰天地變化萬物終始君臣父子夫婦之道性 有得逐樂玩而沒身馬其言于朝廷措諸行事無適而 教喻民語極諄悉至是病草題詩一章以示諸子沐浴 他時僧或宣對後苑復疏其失請崇先王之道正人倫 命之理死生之故鬼神之情狀易盡之矣曷為求之他 不於是也尤惡佛老邪說在臨安被詔擇靈隐寺主因 正衣巾而逝人以是益知公之于易非徒誦說而已 之本漸汰游惰歸復農桑其在當途申法禁 戰訴誘出 卷九十四

人不可得而親疏而中夷易平直康不近名介不絕物 應事存心悉主丁厚平生木當失節于權倖然非有意 無奈其不顧官職何耳賴上知公深優數其撲直故小 聚而弘公有言太尉獨不奈李某何者其人復之曰誠 公耻之自引去晚昼從列觀已位使相竟不往謁它 以矯為為高也在六院時淵觀龍方盛同各日走其門 公莊重簡淡疑然有守泊然無欲喜怒不形見于色故 二輩職事所及輕與忤又當為上指言其姦其徒相與 師起集 +

者邊備軍制賦法禄令茶鹽屯田經總制錢棟汰歸正 蓄使得宣究斯世其庶乎公娶麗氏早没繼室以韓氏 然持其見終身不易言之懇懇至于四三其才通其識 人無以行其計公于中外鉅細知無不言其尤致意馬 遠不阿主好不說時譽無書生之輕俗吏之陋其所藴 守府乃踐省寺於大小之務皆身履而心喻馬非如它 配法也益自少日親罹兵難復歷邊事盡悴州縣乃登 剽聞掠說而藉口嘗試者也其從違忤合雖不可常

金坂四月全書

卷九十四

家供張初臨有新常幕心徹而藏之存以迎新去之日 泰終身一致在官儉而法官燭不入中門家人不用公 事臨川吳鎰次適邯鄲劉全孫男八人大有大來皆修 公事女二人長適朝散即提舉荆湖南路常平茶鹽公 後公三年卒正夫宣義郎廣南西路提奉常平司幹辦 職郎大謙廸功郎大用大臨大男大觀大縣木仕女二 有賢行夫婦相故如賓皆贈令人男二人殺夫承務郎 人尚幼公居家有常度不惰替亦不嚴厲約不厭豐不

晦庵集

去門內化之落然清素素為風誼當僚章貢李駿死干 法之入率積之公帑以供公不應法之用餘則委置而 是不干請當獲益委曲可以被賞置之弗問既循資則 歸士族初仕亦嘗從衆投上官爵里狀心休然不寧自 安陸有女棄民間公贖而育之韓令人愛之如己子以 不私一物馬家至今無有散帷益凡例所饋餉私不應 曰吾老于朧官耳年五十有二乃改京秩自是出為時 用然未嘗忘歸志未始携家入中都亦不至畿郡仕五

金历四是至書

卷九十四

寺之山後二里與韓令人同穴以葬日廹不及識而吴 シーデー 良厚令又得吴狀及公平生議奏讀之觀其行身如獨 鎰狀公行大略如此後十年正夫乃以其銘見屬熹不 義持為全盡以是年閏十一月十一日葬于衡州花光 巫歸不得已而勉起起又竟歸以終素志而沒出處之 入中外數四其入也皆以持召其出也皆以力請年至 十年上為人主敬信下為士大夫尊慕無纖誇微累出 以銘公然熟公聞望益久中間一再通書荷公見予 杨龙俣 = + 6

潜躬請建其與然隱顯一致進矢于廷退該于私迎知 大易之蘊微妙不窮孰窺其表而則其衷懿彼李公心 言語之外者未嘗不廢書三數而悚然心服也乃最其 事而系以銘銘曰 絕蹈矩無一事之不合于理論事如絲麻穀栗無一言 吉胡不百年以完其施長言鼓臣奄吳其離衙山之陽 失得不假養驅閱天越民忠君及國在古有評曰庶常 之不適于用而其忠學純篤之氣又有藹然溢于行事

到好匹库全書

卷九十四

餘長從鄉先生俞君宋祐及一二知名士遊益務記覧 時起進士官信之户掾以卒士友惜之君幼聞家學緒 之族同原而亦不能言其遭徒合散之所由也君曽祖 谷祖為父恂皆不仕而叔父愷蚤以文學論議有聞于 君姓滕氏諱洙宇希尹世家徽之婺源葢莫詳其始所 非其故土電而弗銘曷部終古 自來中間有見故翰林學士達道者扣之乃知與東陽 滕君希尹墓誌銘 瞄卷集

為志力行之訓甚悉及二子登科從仕則又時時為道 去不復為獨教諸子為學而不專為場屋計平居厲以 其蓄甚富為舉子文亦精緻有程度而數以不偶即棄 故二子皆以能自樹立有聲州縣問晚得來疾猶手抄 責于人之語于聲以自警其好學檢身雖老不倦如此 平日間里間所聞見情偽得失之變以開晚風切之以 病草却醫樂手書死生有命富貴在天兩言以示諸子 孔孟言仁梗緊一編日夕玩誦而又大書躬自厚而薄 卷九十四

恭儉質質遇人無少長免首接語如見大賞凡世所謂 卒二女子嫁進士程萬頃程槱之孫男七女四君為人 をはからいたう 如一日不以豐約易其度居家事親誠心孝爱委卷之 授班她功郎寧國府旌德縣主簿瓘珵皆業進士秀前 而卒紹熙四年七月二十七日也年六十有五夫人胡 禮薄俗之態雖於强之不忍為也兩逢慶壽恩或勸增 **氏有賢行前君二年卒五男子璘從政郎鄂州州學教** 少年豪習饒樂放縱事未嘗一接于身自奉甚薄終身 聯庵集

金切四月全書 有哉有士族女未幽落娼家君謀贖之娼會知君貧立 年以應格君不可或問之則曰欺君而受爵亦何祭之 順承其志而又將有以顯揚之則人將以是為天之報 偽券高其直以難之君未有以為策也會璘預薦書郡 少自見于當世其壽命又不得完于高年獨諸子既能 如此嗚呼是亦可為善人君子矣然其志與材既不得 偽縣牢張安中賢之為書其牒以表爲君之為人大抵 致金錢若干為勸駕禮畫以予娼得女嫁之不復詩其

施果不緣也璘等將以明年五月二十四日合葬君夫 欠己日見二十 乾道六年成都府路轉運判官權安撫司事趙公説知 堅余竊哀之乃為次其事而銘之銘曰 漢州事拜表上言其州人李君之行義聞于朝未報而 君洵之狀以來請銘余以疾病久衰謝不能而珙請益 行之躬學之力積之豐施之嗇謂大夢夢請視斯刻 人於萬安鄉龍陂四壮之源使珙奉吉州録事恭軍程 承務郎李公墓誌銘 脚尾集

趙不息相繼表上孝宗皇帝聞而嘉之乃九年閏正月 優出私藏多所全活與計偕而己老從官以則徒勞勉 四川宣撫使王炎安撫使薛良朋轉運副使王璠判官 年其孫寅仲入松書省佐著作會進史得增秩因請則 行而飽其惠既相與嗟歎而詠歌之居沒之後十有七 心爾以布衣居于下土因年饑之不足動義聚以有聞 服官榮歸教鄉里可特授迪功郎致仕里之人高君之 丁酉制日務穑勸分有司之為政發廪販乏仁者之用

金分四月百十

或家馬君其後也世居什邡縣邕順鄉後徒長原曾祖 著作君乃近舎其鄉之先生君子而遠以屬我是豈可 報為未艾也又後數年著作君乃自其家使人以書致 子間又以病廢書久欲謝不能而惟閩蜀相望數千 以及君於是又部特贈承務郎人以是益知君積善之 君行述一通于予请以是銘君之墓予故未得交君父 人唐明皇帝逃難入蜀過漢小留其近屬之從行者因 以虚辱哉乃最其書之言曰君諱發字浩然其先隴西

とれてもらいた!

糠飑集

金牙四月至書 **義買書闢館迎修士以教子孫而于忠孝立身之大義** 事常獨居一室家務一以該君君節衣縮食瘠已以崇 疏陳大計不報即棄禄牒歸養于家其光府君晚厭人 志者類資以得官或以是怵君君正色拒之京師被圍 辟雕補內舎久之未第官者深師成方貴幸士之不得 不群讀書有大志傲睨場屋謂功名可立致以鄉貢入 保禁祖有質父世通皆隱不仕君資禀惠邁自少依儻 尤致意馬不專為重舉干祿計也親疾療治不遺力雖 卷九十四

厚資之以歸名族無纖不餘憾自其少日生理未裕之 致傷無所憚免丧既久語及親猶泣下廬墓側再踰歲 無自多之色平生折券棄責不勝計里人有聞訟者就 時以至于老而豐殖推財讓産恤孤懷幼賙人之急自 主其詞而卒不能有以汚也已而撫其遺女如已生且 以義正之其家愧恨欲以危法中君君不為屈吏又偏 **弟没亡子遗腹生一女婦服未竟輙謀私其橐以行君** 兄弟族黨以及于疎遠之無告者無不必盡其力而退 畅庵集

超好四屆全書 産者給新米亦久不懈歲早犯烈日徒步數十里為鄉 者自春徂冬日以干數乾道戊于民饑甚官為振傳勸 君為歸者其衆又倍于前益君之為此自紹與之丙辰 至此三十餘年歲以為常所出捐不知其若干斛所全 政以能民愈困敝數百里間扶老携幼挈釜東新而以 分而就食君家者日至三四萬人明年流庸未復而荒 以求直聞其言皆失所争而去其微至于病者予樂石 入致禱雨為立應人尤德之歲或不登輕為食以食餓 The second secon

者無不流涕也嗣子蟻既葬君其鄉古題之原又次君 活不知其幾何人矣及是而惠益廣績愈茂以故州郡 かつこうしき シエー 猶顧左右問今日所飯凡幾人既沒所活餓人過其門 示吾之于孫使之無忘聖 朝所以聚勸之意而益勉于 也既起拜命因摘詔語勝其所居為義聚之堂曰姑以 及諸使者始上其事而家顯賞馬君初不欲而不能止 行事如此而論其縣曰君才雖高而動以繩墨自守凡 及人也益於是時君之年七十有七矣明年屬疾且草 3 + -

有所為必問禮律如何其中退然如不勝衣者唯于義 無官守之責而聞四方水旱疾疫輕憂見言色論天下 俠名歸之益不知世之以武犯禁者正君所深耻也雖 大患難瀕死而氣不少沮李子以言事得罪至徒領表 之所在則奮然以身先之雖壓以公卿之勢弗奪也臨 君不為動與人交開心見誠不逆其能尤謹然諾不為 留胃中也故從之遊者莫不愛敬而嚴憚之或者至以 利回人有小善稱之不容口不則必面折之而亦不復 Market of the state of the stat

多好四月全書

老九十四

是而休耶君卒之崴淳熈甲午二月丙寅葬以辛丑五 移書為陳量力慮勝之戒甚切嗚呼君之為人如此使 雅知君書疏往來未當不稱歎其賢張公都督征討君 事激品慷慨利害晚然聽者忘倦故相魏國張忠獻公 Dr. Marial Litin 月之壬寅君夫人同郡楊氏先卒二子蟻以累舉得官 命雖其存沒幸當再被寵褒然天之所以報君者豈若 人者令既不獲施用而其餘功猶足以活千萬人之死 及强盛之年得用其力于當世則其所立宜必有大過 脚卷集 =+=

多员四母全書 者作陞朝籍累封宣教郎致仕賜緋魚袋城中進士弟 神孫男五人寅仲為長次賓仲次康早世次憲仲次宾 至宣教郎後公數年皆卒一女適朝散大夫知嘉州王 慶丁無窮者將于是中在予雖不及識君而于君之事 銘銘日 士無不在馬益知行述之果不誣也乃悉論次而系以 無所疑者獨以行述為可信又讀義縣諸詩而全蜀名 仲寅仲賢而有文辭令為奉議郎知普州所以篤君之 卷九十四

命書于以往錫既龍于堂又賣于幽惟是聞孫益鴻厥 欠正日三 こう 食起居有常度寒暑不易危坐終日對妻子未當見齒 德而不才德匪其德才而不德乃才之賊賢哉若人抱 福州侯官縣人及君之生質直嚴重謹然諸寡言笑飲 君姓陳氏諱衛字公權曾祖確祖其父其皆不仕世為 道隱居振廪之功日活萬夫茂實既騰帝偉其績命服 休我銘其藏十古不泐義縣之名永世無斁 宣教郎致仕陳公墓誌銘 梅奄集

新新而資其子使從師友講學至解衣無各色起居晨 夜必以身率之其勤約人所不堪而君處之裕如也已 侮人亦莫余侮也中歲益貧過監門以教子為事奉養 雖嚴于家而與鄉人處則斂退樂易唯恐失色于人虚 而諸子舉進士有名仲子孔碩登科從官所治多可紀 懷待物不疑人欺遭詐取直無愠責逋于人愧若已負 以故不能治生而安于貧嘗曰吾不怨人亦莫余怨不 (意其絕約少寬而君訓飭彌厲未嘗假以言色其平

卷九十四

慶壽恩授某官致住既再遇登極及明堂恩界階宣教 故雖未當問學而卒能有以自核于流俗乃如此初以 郎賜五品服娶同郡黄氏封宜人先卒而葬于閩清縣 其民而君遽以疾終于寺舎市里聞之無不失聲嘆吒 理愛人及物之意孔碩為邵武军方以聰明慈愛甚得 居所以告語之者随事不同而要其歸必出于守道循 現 莊 誘之說及病遺戒悉擯不用益其天資有過人者 如悲親戚紹熈五年十二月丙寅也平生不喜僧道巫

金好四月在書 賀恩里大將之原至是孔夙等將奉公柩以合馬亟以 書來曰諸孙不孝荐遭閔凶前日先生既當幸哀而賜 敢復近筆硯為群草然讀其状于中若有愧馬因竊叙 言之出不踰閩行之長不湍鄉人莫我尤我豈人愛載 之銘矣令而闕馬是使孔夙兄弟無以見先人于地下 此餘雕以適其丘吾淺之為丈夫者又安能窺其除而 而銘之其子孫男女已具前志此不復出銘曰 也敢泣以請惟先生憐之時子方以負罪杜門俟譴不 卷九十四

宇伯達曾大父復讌妣阮氏大父補之妣李氏童氏父 宋故左朝散郎直秘閣主管台州崇道觀范公諱如主 涉其流乎 **范直閣墓記**

濱遂為荆門軍當陽縣人以崇寧元年玄點敦祥九月 舜舉從事郎累贈左朝議大夫妣胡氏繼葉氏俱贈恭 ここうふ シュ 巴丑己時生于舅氏胡文定公荆南學官解中既孤自 人大父以上世家建州建陽縣之由原先大夫始居漳 御を集 三十六

管台州崇道觀秩滿軟復請由是歷十載三為祠官十 春謁告如荆門選奉先大夫恭人之枢縣葬建陽始公 奮從文定公受春秋學舉進士建炎二年對策廷中語 在館數陳論時改與宰相意不合至是遂請奉祠差主 除從外男葉公辟為江南東路安撫司書寫機宜文字 科賜及第授從事郎武安軍節度推官以母丧解職服 切直張和公時為考官第為首選同列不可於是以し 召試館職除秘書省正字魚史館校勘如故紹興十年

多灾四月全書

賜而貴勢不以為便俄有青與宫觀理作自陳越明年 事歲餘除利州路提點刑獄公事在道上書論宗社大 20.1.1.1.1. 計有人所難言者會有目疾解得不行差主管崇道觀 年召赴行在上殿直秘閣提舉江南西路常平茶鹽公 九年添差通判邵州秩滿差通判荆南府賜緋二十七 正月始被命即日罷歸四月受較復為主管崇道觀而 二十九年秋起知泉州十月到郡草弊抑强人方受其 公已病矣六月乙丑卒于邵武軍寓居之正寢享年五

四人女一人皆尚幼其年九月甲申諸孙奉公丧歸葬 文殿修撰宗諤之女封安人子男三人長念祖右廸功 金分四母全書 建陽縣渭曲山謹次公姓系爵里始終梗概納諸擴中 郎次念徳次念茲念兹後公十八日而亡年十有七矣 以識若經術行誼出處之詳則將請于先生君子深知 女二人長適右承務郎折知常次適登住郎劉玶孫男 十有九而是嚴紹興三十年上章執徐也公娶葉氏右 公者刻辭墓左以明示後世云從表姪左廸功郎監潭 卷九十四

州南嶽廟未熹謹記

勘朱府君遷墓記

皇考左承議郎守尚書吏部員外郎兼史館校

先府君諱松字喬年姓朱氏徽州婺源人曾祖諱振祖

大きり見らり 諱絢姓皆汪氏考諱森妣陳氏三世皆不任考妣以府 性至孝有髙志大節落筆語軟驚人政和八年以同上 舎出身授廸功郎建州政和縣尉承事公卒貧不能歸 君故贈承事郎孺人府君生于紹聖四年閏二月戊申 瞄庵集 三十八

故以史勞轉奉議郎以年勞轉承議郎丞相趙忠簡公 支員外郎兼史館校勘歷司勲吏部兩曹皆領史職如 學中庸之學調南劒州尤溪縣尉監泉州石井鎮稅循 張忠獻公皆深知府君永及用而去秦檜以是忌之而府 左從政即紹興四年召試除秘書省正字丁內艱服除 因葬其邑而遊官往來閩中始從龜山楊氏門人為大 君又方率同列極論和我不便槍益怒出府君知饒州 召對改宣教郎除秘書省校書郎遷者作佐郎尚書度

金りにんとう

Din thus lite 側時熹幼未更事卜地不詳既懼體魄之不獲其安乃 郎長汀縣主簿劉子辨孫男塾生在女異兒皆幼初府 男熹嘗為左廸功郎差充樞家院編修官女嫁左廸功 去赴請問差主管台州崇道觀以十三年三月辛亥辛 以氧道六年七月五日遷于里之白水鴉子奉下熹奏 君將沒欲葬崇安之五夫卒之明年遂定其里靈梵院 二卷娶同郡祝氏處士確之女封孺人後二十七年卒 于建州城南之寓舎年四十有七所為文有韋齊集十 脲庵集

金好四月全書 慕號殞痛貫心骨重惟先君既不得信其志以没而熹 業梗概刻而擀諸幽且將請文作者以表其遂昊天問 業儒有萬行娶同郡骱氏以元符三年七月庚午生孺 先妣孺人祝氏徽州歙縣人其先為州大姓父諱確始 極鳴呼痛哉 又無所肖似不能有以顯揚萬分敢次叙姓系官閥志 人性仁學端淑年十有八歸于我先君諱松字喬年姓 尚書吏部員外郎朱君孺人祝氏擴誌 卷九十四

KADE LIL 縣後函天湖之陽東北距先君白水之屯百里而遠不 **娃在女異兒皆幼越明年正月葵酉葬于建寧府建陽** 堪而孺人處之怡然乾道五年九月戊午卒年七十生 秘書賜令號及先君卒熹年才十有四孺人辛勤撫教 朱氏速事舅姑孝謹篤至有人所難能者以先君校中 編修官一女適右廸功郎長汀縣主簿劉子朔孫男塾 三男伯仲皆天熹其李也嘗為左廸功郎差充樞家院 **俾知所向不幸既長而愚不適世用貧病困蹙人所不** 聯庵集

金罗四届全書 縣丞陞從政郎滯州善化縣令未上以淳熙二年十 主簿辟江南西路安撫司書寫機宜文字調汀州上 朝奉公致事恩補粉任郎更授右廸功郎泉州安溪縣 奉郎母陳氏劉氏林氏鄧氏皆封安人而君劉出也以 君姓何氏諱鎬字叔京邵武軍邵武縣人父諱兒左朝 喜號慕順絕敢竊記擴中如此昊天問極嗚呼痛 知縣何公壙誌 卷九十四

萬言琰等将以四年三月某日葬君臺溪東码之原其 馬公伸受河南程氏中庸之說篤信力行沒身不怠而 夷曠廉静寡欲有過人者始朝奉公學于故殿院東平 琰某某女三人長壻吳大同次馮楝季未行也居天資 友新安朱熹為識廣中如此且將叙次其詳以表于墓 君又得其傅培殖從客克篤前烈佐邑有惠愛者書數 月丁丑晦卒于家年四十有八娶同郡李氏子男三人

200 M

脚龙集

金牙四月全書 時建炎三年以忠顯公致仕恩補承務即紹興十二年 任右朝議大夫充徽散閣侍制累贈少傅妣熊氏福國 太師妣李氏秦國夫人繼吕氏韓國夫人父諱子羽故 祖諱幹故任資政殷學士銀青光禄大夫諡忠顯累贈 夫人繼卓氏慶國夫人公生于宣和四年二月十日卯 民先故任承事郎累贈太子太保妣黄氏彭城郡夫人 公諱珠字恭父姓劉氏世為建寧府崇安縣人會祖諱 劉樞密墓記代劉平市 卷九十

舎人十二月磨勘轉宣教郎二十五年五月罷二十六 年差主管台州崇道觀二十八年召赴行在除大宗正 重二十一年服除差諸三宫大小學教授二十四年四 中進士第調紹與府任城都稅務未赴改監潭州南嶽 承未赴二十九年磨勘轉奉議郎改秘書丞三十年無 廟十五年差主管西外敦宗院十六年磨勘轉承事郎 月權秘書省校勘書籍官又權禮部郎官六月權中 十月丁少傅公憂服未除而韓國夫人毙公以嫡孫承 晦電集

車獨幸建康三十二年三月除中書舎人賜紫金魚袋 起居舎人九月無權中書舎人十月無權直學士院從 為吏部員外郎三十一年正月兼權秘書少監六月除 權吏部郎官四月除吏部員外郎改監察御史十月復 極軍恩轉朝奉郎借朝議大夫禮部尚書奉使大金上以 國之禮未决以故未出疆而復隆興元年二月磨勘轉 公辟置官屬公當特賜御礼獎諭時始議與金人為敵 五月正無直學士院八月以扈從思轉承議郎今上登

路安撫使五年四月除資政殿學士知荆南府荆湖 制語無侍讀以郊祀恩封建安縣開國男食邑三百户 朝散郎十一月除集英殿修撰知泉州未赴二年二月 直學士三年正月召赴行在八月到闕除翰林學士知 路安撫使以平柳賊李金功賜御礼獎諭又除敷文閣 改衢州乾道元年三月除敷文閣待制知潭州荆湖南 、月除端明殿學士在外宫觀改知隆興府江南西 月除中大夫同知樞密院事四年七月無私知政

使依舊同知樞家院事差內侍省內侍嚴頭徐稱賜以 路安撫使六月被古措置荆襄遏面六年九月丁慶國 建康府江南東路安撫使兼行宫留守未幾復以恩徒 御礼宣押奏事公又四解乃得終丧八年十二月服除 夫人憂七年三月起復同知樞密院事進封開國伯加 除知潭州判湖南路安撫使進爵加食色實封如前九 食色四百户質封一百户公再群不允义除荆寒宣撫 年三月赴闕奏事進大學士以行淳熙二年正月除知

釗贞匹庫全書

卷九十四

官公解不受十月又以津簽禁軍教閱轉一官許回受 封彭城郡開國侯加食邑三百户七月以修城功轉 賜御礼鞍馬器物四年三月以居守績效顯者除觀文 秦官陸彦禮宣押翰林醫痊診御脉周昭脈治公疾未 月以疾再請奉祠不允遂乞致仕詔遣內侍省西頭供 **殿學士四月以三年郊祀思加食邑三百户五年閏六** 又轉大中大夫七月以販濟事車賜詔奨諭十一月又 三年三月以慶壽恩加食邑三百户實封一百户六月

欠きりをいます

晦庵集

4

金灰区屋台電 一獻公之元孫追封新興夫人又娶其女弟追封淑人子 至七月三日薨享年五十有七轉通議大夫致仕贈光 兵部尚書社之女追封新定郡夫人繼室韓氏魏國忠 寧府應辦葬事身後恩數令有司具條取古公娶吕氏 禄大夫輟視朝一日記建康府應副人夫津發又記建 郎吕欽公所任也次在室上以六年二月乙己葬于歐 男二人曰學雅承務郎曰學表尚幼女二人長適將仕 寧縣慈善鄉豐樂里顯揚妙湛禪寺之南從公志也坪

The state of the s

復之名堯姓丁氏建寧府崇安縣上梅里人父名爱母 惟公平生大節顯于朝廷傳丁海內固已不待夫記述 而傳矣然其謀散行治曲折精微之際則又有不可不 未及就篇而葬日已廹謹略叙公始終閥閱如右刻而 納諸擴中它所欲論著者尚見于隧道之碑云從弟從 詳載以俟後世者方將討論撰次而請銘于作者顧又 郎坪沸泣叙次 一復之墓記

父子可見から

晦庵集

四十五

金与口盾台書 某氏復之為人篤厚慈良深有志于為已之學從予遊 數年不幸早死朋友莫不哀之有子二人曰某某淳熙 興矣酉七月丁酉生給熙辛亥正月癸酉卒娶潘氏生 宋朱塾字受之其先微州婺源人大父諱松紹興史官 處友人蔡君季通實相其事新安未熹記 也父熹今為鴻慶祠官母劉氏聘士勉之之女塾于紹 十有二年冬十有一月甚日卒其月共日其父葬之某 亡嗣子擴記

痛哉 フィー・アラー ノ・エー 有一月甲申葬大同北麓上實天湖其父為之志嗚呼 致仕恩奏授承奉郎轉承事郎差監鎮江府户部大 是之子厚重明做自幼即有志于學正獻公竒愛之用 國正獻公之孫令朝請大夫新提舉福建路市舶寔師 陳康夫名此莆田人故少師觀文殿大學士贈太保魏 一男長日鎮次恩老四女歸昭接滿鎮滿皆天明年 陳君廉夫廣誌 晦龙集

四十六

劉贞四周全書 安朱熹記 也不能文站記其實請刻石納壙中十月己卯既望新 夫龍汲山正獻公大墳之右以其當學于余也使來謁 銘余以老病久廢筆礼亦悲廉夫之賢而不克就其志 倉木赴丁母豪再調監泉州南安縣鹽稅慶元三年七 月二十有二日卒事年二十有八娶兵部侍郎岳公霖 女女子一人師是將以慶元四年十一月三日村康 晦庵集卷九十四